

Rapport, vischnaunca da pleiv Tujetsch per 1973.

Ils 17 d'ost 1973 ha la radunonza da pleiv concludiu deffinitivamein da sparter ils fatgs da pleiv dalla vischnaunca politica, Las auctoritads cantonalas havevan gia avon onns proponiu e finalmein pretendiu in quen separau per quellas duas spartas.

Fertont che la representaziun ed administraziun della pleiv, ei cun la elecziun della nova suprastonza da pleiv immediat vegnida adossada a quella, ha la canzlia communal aung menau il quem della pleiv per gl'onn current 1973.

Cun gl'onn 1974 vegn il quen da pleiv, excepriu gl'incasso della taglia, menaus entras il cassier da pleiv, sgr. Richard Cavegn Sedrun.

La nova suprastonza da pleiv ha sco empren pensum preparau ina constituziun da pleiv ed en medem temps in regulativ da taglia. La radunonza da pleiv dils 1 da mars o.c. ha cun pintgas correcturas approbau la constituziun ed il regulativ da taglia. Cun quei di ha la constituziun da pleiv priu vigur e la vischnaunca da pleiv fuorma legala.

Ils 30 da schaner o.c. ha la suprastomza da pleiv, en uniu cun ils Sur plevons, priu giu ils quens administrativs dals ugaus baselgias, caplanias e pervendas. Ina gliesta dagl inventari dils differents fondos anfleis Vus cheu aggiunfau.

Entras la separaziun della administraziun vischnaunca politica e pleiv se presenta era la zavrada dil respectiv possess ed il manteniment da quel.

La pleiv da Tujetsch ei tenor extract dal cudisch funsil possessura da 4 casas, per part sco novas. Tenor situaziun momentana, ed era en vesta al futur, duess la pleiv esser survida sufficientamein cun las casas, pervenda a Sedrun, Rueras e Selva.

La casa caplania Sedrun sut la centrala da latg ei per nus d'avons, e savess eventual vegnir vendida, secapescha cun resalva della approbaziun entras la pleiv e lubientscha dagl ordinariat episcopal. En scadin cass sespruein da ton pli spert anflar ina sligiazion pertenenent quella casa.

Cun la nova organisaziun dils fatgs da pleiv ei vegniu disponiu da desister dals ugaus pervenda e caplanias, e surdar quella lavur ed administraziun al cassier da pleiv. Sco tals funzionavan per pervenda Sedrun sgr. Baseli Huonder, pervenda Rueras sgr. Baseli Berther-Monn, caplania Sedrun sgr. Christian Jacomet, caplania Selva sgr. Stiafen Venzin. En num della pleiv admettein als partents funzionaris, sinzer engraziament per la prompta fideivla lavur en favur da pervendas e caplanias.

Speziala menziun mereta segir il senior da quels, sgr. Baseli Huonder, che ha surviu en quei uffeci buca meins che 35 onns. Quei uffeci d'honor seigi staus dapi varga in tschentaner en la familia dils Huonders. Il Baseli e ses antenats meretan bein in extra engraziament per tonta perseveronza en survetsch dalla pervenda e pleiv.

Ils 7 d'october 1973 cun caschun della fiasta dil s.rusari han la suprastonza comun. e da pleiv organisau ina fiasta per undrientscha ed engraziament sin il 25 avel onn da pastoraziun da nies preziau plevon Sur Giusep Durschei. Il cronist local ha bein commemorau, ^{denton} quei di cun ina corrispondenza en la Gasetta-Romontscha. Essent che quella cuntegn mo ina part della festivaziun, selubeschel da aung cumpletar cuortamein. La vischnaunca ha generusamein purschiu per quei di, in gentar festiv als hosps da fiasta Duront il gustus gentar han plirs oraturs undrau il Sur giubilar cun bials plaids ed ovaziuns, schau reviver reminiscenzas e raquintau enqual aventura. Cun caschun da quei past festiv ha il niev pres. da pleiv astgau surdar al Sur giubilar in bufatg schengetg, sco renconuschientscha e per engraziament, per tonts onns da lavur e sacrifici sco plevon dils Tujetschins. Era della casarina dil Sur plevon ei vegniu seregurdau, cun porscher era a quella, in beinmeritau schengetg per tonta fideivladat en survetsch dil Sur frar.

Per conclusiun da miu papport ^{engraziel} oravontut als stimai collegas della supr. d. pleiv, sco era a nos preziai Sur plevons per la prompta e buna colaboraziun. Grond engraziament admettel era alla suprastonza comm. e canzlia per tutta lavur en favur della pleiv. Medemamein engraziel era a tuts ugaus da baselgias e capluttas, sco era a tuts survients e gidonters en survetsch della pleiv.

Camischolas, 23. d'avrel 1974

Cavegn